



10 JUL, 2023

Kerajaan akan bantu pengusaha ternak udang

Utusan Sarawak, Malaysia

Page 1 of 2

Kerajaan akan bantu pengusaha ternak udang



CHAN Foon Hin (dua,kanan) menjual bakul yang mengandungi seekor ayam dan dua jenis sayuran dengan harga RM10 kepada orang ramai semasa hadir majlis perasmian penutup Penang Fama Fest 2023 di pusat membeli-belah Bukit Jambul di sini hari ini. Turut sama Pengerusi Fama Aminuddin Zulkipli (kanan). • Foto BERNAMA

GEORGE TOWN: Kerajaan sedia membantu pengusaha udang yang mengeluh kerana harga jualannya turun lebih 40 peratus sejak dua bulan lepas berikutan peningkatan kemasukan udang import.

Timbalan Menteri Pertanian dan Keterjaminan Makanan Chan Foong Hin berkata Jabatan Perikanan dan Lembaga Kemajuan Ikan Malaysia (LKIM) akan membantu para pengusaha terlibat dari segi pemasaran udang yang ditekankan mereka.

"Dalam isu lambakan udang ini dari segi bantuan teknikal dan pemasaran Jabatan Perikanan dan LKIM bersedia membantu mereka (para pengusaha ternak

udang) yang terlibat.

"Yang penting sekali untuk pengusaha ternakan udang tempatan ini ialah melihat kepada macam mana mereka memajukan daya saing mereka dan saya rasa isu ini lebih kepada soal mekanisme jualan," katanya kepada pemberita selepas merasmikan majlis penutup Penang FAMA Fest 2023, di Kompleks Bukit Jambul, di sini semalam.

Chan berkata demikian ketika diminta mengulas mengenai kenyataan oleh Pengerusi Persatuan Industri Udang Malaysia Syed Omar Syed Jafaar berhubung lebih 3,000 syarikat pengusaha udang termasuk di Sabah dan Sarawak terpaksa menanggung

kerugian apabila harga jualan udang kurang daripada kos operasi.

Menurut Syed Omar, masalah itu disebabkan kemasukan ketara udang import khususnya dari Thailand dan Indonesia yang menjadikan bekalan melebihi permintaan serta pihaknya berharap kerajaan dapat membantu memperkasa industri akuakultur udang ini dengan mengetatkan sistem biosekuriti pengimport udang.

Bagaimanapun, Chan berkata lambakan udang itu dapat memberikan kelebihan kepada pengguna kerana mereka dapat menikmati udang pada harga yang berpatutan.



10 JUL, 2023

Kerajaan akan bantu pengusaha ternak udang

Utusan Sarawak, Malaysia

Page 2 of 2

SUMMARIES

GEORGE TOWN: Kerajaan sedia membantu pengusaha udang yang mengeluh kerana harga jualannyaturun lebih 40 peratus sejak dua bulan lepas berikutan peningkatan kemasukan udang import. Timbalan Menteri Pertanian dan Keterjaminan Makanan Chan Foong Hin berkata Jabatan Perikanan dan Lembaga Kemajuan Ikan Malaysia (LKIM) akan membantu para pengusaha terlibat dari segi pemasaran udang yang diternak mereka...